

本期主持：sachi

▲ 明 仇英 觀榜圖 局部 台北故宫

---

大历十四年。侍郎潘炎试。  
赋得花发上林。

## 01

独孤授

上苑韶容早，芳菲正吐花。  
无言向春日，闲笑任年华。  
润色笼轻霭，晴光艳晚霞。  
影连千户竹，香散万人家。  
幸绕楼台近，仍怀雨露賒。  
愿君垂采摘，不使落风沙。

## 02

周渭

灼灼花凝雪，春来发上林。  
向风初散蕊，垂叶欲成阴。  
人过香随远，烟晴色自深。  
净时空结雾，疏处未藏禽。  
蓂莢何年值，间关几日吟。  
一枝如可冀，不负折芳心。

## 03

窦常

上苑晓沈沈，花枝乱缀阴。  
色浮双阙近，春入九门深。  
向暖风初扇，馀寒雪尚侵。  
艳回秦女目，愁处越人心。  
绕绕时萦蝶，关关乍引禽。  
宁知幽谷羽，一举欲依林。

## 04

王表

御苑春何早，繁花已绣林。  
笑迎明主仗，香拂美人簪。  
地接楼台近，天垂雨露深。  
晴光来戏蝶，夕景动栖禽。  
欲托凌云势，先开捧日心。  
方知桃李树，从此别成阴。

## 05

王储

东陆和风至，先开上苑花。  
秣枝藏宿鸟，香蕊拂行车。  
散白怜晴日，舒红爱晚霞。  
桃间留御马，梅处入胡笳。  
城郭连增媚，楼台映转华。  
岂同幽谷草，春至发犹赊。

花发三阳盛，香飘五柞深。  
素晖云积苑，红彩绣张林。  
落水随鱼戏，摇风映鸟吟。  
琼楼出高艳，玉辇驻浓阴。  
乱蝶枝开影，繁蜂蕊上音。  
鲜芳盈禁籞，布泽荷天心。